



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

XXXV. Prohibitio ne quisquam edat libros de Missionibus tractantes.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

1672.
& 1673.Sanctio poe-
nalis.Edit. 23.
Decembris
1672.

XXXIV.

Exordium
ex motivo
Charitatis
& pietatis.Indulgentia
100. dierum
Confratri-
bus, & Con-
fororibus SS.
Corporis
Christi comi-
tantibus ad
sepulturam.Transumptio-
rum fides.Edit. 14. Jan.
1673. An. 3.

XXXV.

bore permanfuris, hac vice dumtaxat latissime, & plenissime, ac specialiter, & expresse harum ferre motu pari derogamus, & derogatum esse volumus, contrariis quibuscumque.

§. 29. Nulli ergo omnino hominum liceat hanc paginam nostrae absolutionis, erectionis, institutionis, aggregationis, unionis, annexionis, incorporationis, assignationis, divisionis, reparationis, dismembrationis, segregationis, applicationis, decreti, mandati, statuti, voluntatis, & derogationis infringere, vel ei ausu temerario contraire: si quis autem hoc attentare praesumpserit, indignationem omnipotentis Dei, ac Beatorum Petri, & Pauli Apostolorum ejus se noverit incursum.

Datum Romae apud S. Mariam Majorem, Anno Incarnationis Domini: 1672. decimo Kalendas Januarii, Pont. anno Tertio.

C L E M E N S P A P A X .

Ad perpetuam rei memoriam.

EX commissae Nobis caelitus dispensationis munere Christianifideles ad Christianae charitatis, atque pietatis opera specialium gratiarum donis incitare cupientes, ac supplicationibus dilectorum filiorum Officialium, & Confratrum Archiconfraternitatis SSmi Corporis Christi in Ecclesia S. Mariae supra Minervam de Urbe canonice erectae nomine Nobis super hoc humiliter porrectis inclinati, omnibus, & singulis Confratribus, & Confororibus, tam praefatae Archiconfraternitatis, quam quarumvis Confraternitatum sub eodem titulo, seu denominatione Sanctiss. Corporis Christi ubicumque locorum canonice haecenus erectarum, & institutarum, ac in futurum quandocumque ex vi Decreti Congregationis Indulgentiarum praeposita de mandato fel. rec. pauli PP. V. praedecessoris Nostri die 16. Februarii 1608. emanati itidem canonice erigendarum, & instituendarum, qui, & quae cadavera Christianifidelium defunctorum, dum ad sepulturam deferuntur devote comitati fuerint, quoties id egerint, toties centum dies de injunctis eis, seu alias quomodolibet debitis poenitentibus in forma Ecclesiae consueta relaxamus. Praesentibus perpetuis futuris temporibus valituris.

§. 1. Volumus autem, ut earundem literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in judicio, & extra illud adhibeatur, quae ipsis praesentibus adhiberetur, si forent exhibitae, vel ostensa.

Datum Romae apud S. Mariam Majorem, sub Annulo Piscatoris, die 14. Jan. 1673. Pontificatus nostri Anno Tertio.

I. G. Slusius.

Registrata in Secretar. in lib. 3. Brevium diversorum fol. 457.

Prohibitio ne quisquam etiam Regularis, & individua mentione dignus, sine licentia in scriptis Congregationis de Propaganda Fide, quam in operis initio imprimere teneatur, edat libros, & scripta per se, vel alium in quibus agatur de Missionibus, vel de rebus ad ipsas pertinentibus sub poena excommunicationis latae senten-

tiae Romano Pontifici reservata, privationis Officii, ac vocis activae, & passivae, & operum suppressionis ipso facto incurren.

C L E M E N S P A P A X .

Ad perpetuam rei memoriam.

CRedite Nobis caelitus Apostolicae servitutis ratio postulat, ut si quos in Ecclesia Dei abusus pullulare, atque invalescere noscamus, eos opportuna sanctionis sarculo recidere, atque e medio tollere studeamus.

§. 1. Cum itaque (sicut accepimus) licet alias Congregatio Venerabilium Fratrum nostrorum S. R. E. Cardinalium iustis de causis vetuisset, ne quis sine ipsius licentia typis vulgaret libros, & scripta, in quibus aliquo pacto de Missionibus ageretur; nihilominus multi, vel ignari quid eadem Congregatio decreverit, vel temere Decretum ejus transgredientes, scripta edant, & libros saepe falsa, & inepta continentes, non sine pio- rum, & doctorum hominum offensione: Nos his, aliisque gravibus causis adducti, de memoratorum Cardinalium consilio auctoritate Apostolica tenore praesentium iterum prohibemus, ne quis cujuscumque status, gradus, & conditionis etiam Regularis cujusvis Ordinis, Congregationis, Instituti, & Societatis, etiam JESU, licet is esset, de quo specifica, & individua mentio facienda foret, sine licentia in scriptis Congregationis eorundem Cardinalium, quam in operis initio imprimere teneatur, libros, & scripta, in quibus de Missionibus, vel de rebus ad Missiones pertinentibus agatur, per se, vel per alium edat sub excommunicationis latae sententiae, a qua nemo a quoquam praeterquam a Nobis, seu Romano Pontifice pro tempore existente, nisi in mortis articulo constitutus, absolvi possit, ac privationis officii, & vocis activae, & passivae, necnon operum suppressionis poenis ipso facto incurrendis.

§. 2. Hoc autem denunciari volumus omnibus, & singulis Superioribus Generalibus cujusvis Ordinis, Congregationis, Instituti, & Societatis, etiam JESU, qui sub eisdem poenis, ut ipsi praesentes literas servant, & a subditis suis curent omnino servari; ac praecipimus, sub poena privationis vocis activae, & passivae, ut quolibet anno teneantur superiores praefati eisdem praesentes literas, five earum tenorem in capitulis legere, seu legi curare, ne aliquis sub praetextu ignorantiae se excusare possit.

§. 3. Decernentes ipsas praesentes literas semper firmas, validas, & efficaces existere, & fore, suoque plenarios, & integros effectus sortiri, & obtinere, nec de subreptionis, vel obreptionis, aut nullitatis vitio, seu intentionis Nostrae, aut interese habentium, vel habere praetendentium consensu, aliove quolibet etiam quantumvis magno, & substantiali, ac individua expressionem requirente defectu notari, impugnari, infringi, retractari, aut in controversiam vocari, seu ad terminos juris reduci ullo modo posse: Sicque, & non aliter in praemissis per quoscumque Judices Ordinariorum, & delegatos, etiam Caesarum Palatii Apostolici Auditores, ac S. R. E. praefatae Cardinales, etiam de Latere Legatos, & Apostolicae Sedis Nuncios, aliove quoslibet quacumque praeminentia, & potestate fungentes, & functuros, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere; ac irritum, & inane si secus super his a quoquam quavis auctoritate, scienter, vel ignoranter contigerit attentari.

§. 4. Non obstantibus Apostolicis, ac in Universalibus, Provincialibusque, & Synodalibus Conciliis editis Generalibus, vel specialibus Constitutionibus, & Ordinationibus, necnon quorumcumque Ordinum, Congregationum, Institu-

Exordium a
tollendis a-
busibus.S. Congreg.
de Propagan-
da Fide ve-
tuit posse ty-
pis vulgari
libros in qui-
bus aliquo
pacto agere-
tur de Mis-
sionibus.Pontifex
iterum prohi-
bet ne ul-
lus Regularis
libros edat
de Missioni-
bus, vel de
rebus ad Mis-
siones perti-
nentibus.Statuuntur
poenae adver-
sus contra-
ventientes.Mandat Regu-
laribus, ut
hoc decre-
tum quolibet
anno in Ca-
pitulis le-
gant.Decretum
irritans.Contrariis
derogat.

torum,

rorum, & Societatum, etiam Jesu, aliisve quibusvis etiam juramento; confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus, Privilegiis quoque indultis, & literis Apostolicis præfatis; Ordinibus, Congregationibus, Institutis, & Societatibus etiam Jesu, illorumque Superioribus, & Personis, aliisve quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, irritantibusque, & aliis Decretis in genere, vel in specie, seu alias quomodolibet in contrarium præmissorum concessis, confirmatis, ac etiam pluries approbatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & individua, seu quævis alia exquisita forma ad hoc servanda foret, tenores hujusmodi præsentibus pro plene, & sufficienter expressis, ac formam in eis traditam pro servata habentes, hac vice specialiter ad effectum præmissorum dumtaxat consequendum derogamus, cæterisque contrariis quibuscumque.

§. 5. Volumus autem, ut ipsarum præsentium literarum transumptis, seu exemplis etiam impressis, manu alicujus Notarii publici subscriptis, vel sigillo Personæ in Ecclesiastica dignitate constitutæ munitis, eadem prorsus fides tam in iudicio, quam extra illud adhibeatur, quæ adhiberetur ipsis præsentibus si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die 6. Aprilis 1673. Pontificatus nostri Anno Tertio.

I. G. Slufius.

Registrat. in Secretar. Brevium in lib. Mensis Aprilis par. 1. fol. 59.

Fides transumptorum.

Edit. 6. April. 1673. An. 3.

XXXVI.

Commissio Episcopo Majoricen. super erectione Studii dicte Civitatis in publicam Universitatem cum Indulto lauream Doctoratus conferendi, necnon cum omnibus aliis honoribus, Privilegiis, & prærogativis, quibus Universitas Illerden. ex dispensatione Apostolica potitur, & gaudet.

VEN. FRATRI EPISC. MAJORICEN.

CLEMENS PAPA X.

Venerabilis Frater Salutem, & Apostolicam Benedictionem.

Exponi Nobis nuper fecerunt Dilecti Filii Consules, & Jurati istius Civitatis Majoricen., quod licet dicta Civitas ex præcipuis Regnorum Hispaniarum existat, in eaque studium generale, in quo Sacra Theologia, Sacri Canones, & Leges Civiles, Philosophia, aliæque scientiæ, & artes liberales à Præceptoribus Regularibus, & Secularibus docentur, jãndiu institutum, amplissimisque privilegiis à Regibus Hispaniarum Catholicis pro tempore existentibus decoratum reperiatur, nihilominus illi, qui literarum studiis ibidem operam navant pro consequendis Baccalaureatus, ac Licentiatuæ, & Doctoratus gradibus in regiones longinquas se conferre coguntur, cum Universitas vicinior inde ducentorum circiter milliarium intervallo distet, & quod gravius est, suscipiendæ sint navigationes periculosæ, maximaque dispendia subeunda: Unde studium præfatum parum frequentatur, & Incolæ Regni Majoricæ studiorum suorum præmiis destituti remanent.

§. 1. Cum autem, sicut eadem expositio subjungebat, præfati Exponentes, ac dilecti pariter filii, Rectores & Scholares dicti Studii ipsis Recto-

ribus Collegialibus ejusdem studii pro tempore existentibus lauream Baccalaureatus, ac Licentiatuæ, & Doctoratus in Sacra Theologia, Sacris Canonibus, Legibus Civilibus, Medicina, & Philosophia illis Scholaribus, qui studiorum earundem scientiarum cursum ibidem absolverint, prævio rigoroso examine conferendi facultatem a Nobis concedi, ipsosque Rectores, Lectores, & Scholares prærogativis, præminentis, Indultis, & favoribus, quibus Universitates studiorum generalium gaudent decorari plurimum desiderent: Nobis propterea etiam Charissimæ in Christo filiæ Nostræ Mariannæ Hispaniarum Reginæ Catholicæ Viduæ nomine humiliter supplicatum fuit, ut in præmissis opportune providere de benignitate Apostolica dignaremur.

§. 2. Nos igitur ejusdem Mariannæ Reginæ votis hac in re quantum cum Domino possumus favorabiliter annuere volentes, ac Exponentium Rectorem, & Scholarium præfatorum singulares Personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum harum serie absolventes, & absolutos fore censentes, hujusmodi supplicationibus inclinati de Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, fraternitati tuæ per præsentem committimus, & mandamus, ut veris existentibus narratis, præfatum Studium, quod in ipsa Civitate Majoricen. jam institutum reperitur in publicam Universitatem cum Indulto lauream Doctoratus, ac Baccalaureatus, & Licentiatuæ gradum conferendi, necnon cum omnibus aliis honoribus, privilegiis, & prærogativis, quibus Universitas Illerden. ex dispensatione Apostolica potitur, & gaudet auctoritate Nostra Apostolica pro tuo arbitrio, & prudentia erigas; Ita tamen ut certas determinatas condiciones tibi benevolas, Sacris Canonibus, Concilio Tridentino, & Apostolicis Constitutionibus non adversantes statuere, ac præstare debeas, ab iis, qui hujusmodi laureæ gradum consequi voluerint, religiose, & fideliter observandas: Nos enim tibi facultates desuper necessarias, & opportunas eadem auctoritate harum serie tribuimus, & impartimur, salva tamen semper in præmissis auctoritate Congregationis præfatorum Cardinalium.

§. 3. Non obstantibus præmissis, ac Constitutionibus, & Ordinationibus Apostolicis, necnon quatenus opus sit quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permansuris ad præmissorum effectum hac vice dumtaxat derogamus, cæterisque contrariis quibuscumque.

Datum Romæ apud S. Mariam Majorem, sub Annulo Piscatoris, die 17. April. 1673. Pontificatus nostri Anno Tertio.

I. G. Slufius.

Registrata in Secr. Brevium in lib. Mensis Aprilis par. 1. fol. 416.

Absolutio à Censuris.

Committit Episcopo Majoricen. ut d. Studium in publicam Universitatem erigat cum Indulto lauream Doctoratus &c. conferendi cum omnibus aliis Juribus, & privilegiis quibus gaudet Universitas Illerden.

Eidem committit præstinare certas condiciones fideliter observandas ab iis, qui hujusmodi laureæ gradum consequi voluerint. Præservat auctoritatem S. Congregationis Episc. & Regular. Contrariis derogat.

Edit. 17. Apr. 1673. An. 3.

Extensio,

Exordium ab expositione facti.

Preces Hispaniarum Reginæ, Consulium &c.